

## I. DISPOSICIÓN XERAIS

### MINISTERIO DA PRESIDENCIA

**5675** *Real decreto 385/2015, do 22 de maio, polo que se modifica o Real decreto 181/2008, do 8 de febreiro, de ordenación do diario oficial «Boletín Oficial del Estado».*

Unha das principais novidades da Lei 15/2014, do 16 de setembro, de racionalización do sector público e outras medidas de reforma administrativa, é a modificación do réxime de publicación dos anuncios de notificación previsto na Lei 30/1992, do 26 de novembro, de réxime xurídico das administracións públicas e do procedemento administrativo común. Como sinala o preámbulo da citada Lei 15/2014, do 16 de setembro, o obxectivo do novo sistema é configurar un taboleiro de edictos único, mediante o «Boletín Oficial del Estado», que permita que os cidadáns poidan ter coñecemento de calquera anuncio de notificación que os afecte, con independencia de cal sexa o órgano que o realice ou a materia sobre a cal versen. Resulta obrigado lembrar que a consecución do citado taboleiro de edictos único, que entrará en funcionamento a partir do 1 de xuño de 2015, é unha das medidas previstas no informe da Comisión para a Reforma das Administracións Públicas (CORA), presentado no Consello de Ministros o 21 de xuño de 2013.

Na actualidade, a regulación do BOE está contida no Real decreto 181/2008, do 8 de febreiro, de ordenación do diario oficial «Boletín Oficial del Estado», que nos seus diversos capítulos establece as características da edición electrónica, a súa estrutura, as formas de acceso a esta, o procedemento de publicación e os requisitos que deben cumprir as disposicións, os actos e os anuncios que se vaian publicar. O obxecto deste real decreto, que se dita ao abeiro da habilitación específica incluída na disposición derradeira quinta da Lei 15/2014, do 16 de setembro, é modificar o Real decreto 181/2008, do 8 de febreiro, para adaptalo ao taboleiro de edictos único.

Ata o momento, aqueles anuncios de notificación das distintas administracións que debían publicarse no BOE inseríanse na súa sección V, xunto con outra serie de anuncios de contidos moi diversos. No entanto, o taboleiro de edictos único vai multiplicar exponencialmente o volume da edición electrónica do BOE, nunha medida que non é posible afrontar a través da tradicional sección V nin do procedemento de publicación previsto para esta. Este é o motivo polo cal o presente real decreto configura un novo suplemento de anuncios de notificación, de carácter independente, pero que formará parte indisoluble do «Boletín Oficial del Estado» e da súa edición electrónica, aínda que presente algunhas características propias, como a excepción das previsións de edición impresa para efectos de conservación.

Non obstante, ben que o novo suplemento, ao igual que o resto do diario oficial, ten o carácter de fonte de acceso público, o seu aspecto máis innovador consiste en que, unha vez transcorridos tres meses desde a súa publicación, os anuncios de notificación só resultarán accesibles mediante un código de verificación de carácter único e non previsible. Esta modulación das posibilidades de acceso é consecuencia do contido peculiar que presenta o novo suplemento. En efecto, os anuncios de notificación veñen suplir unha notificación persoal e actúan como mecanismo de garantía de interesados concretos, polo que non precisan do mesmo grao de publicidade que as disposicións e actos administrativos que se publican no resto de seccións do diario, en particular, unha vez transcorridos os prazos de impugnación do acto obxecto de notificación.

A modificación do Real decreto 181/2008, do 8 de febreiro, complétase con diversas previsións en relación co procedemento de publicación, dirixidas a incrementar a utilización de medios electrónicos e a establecer as liñas xerais do sistema automatizado de remisión e xestión telemática para a publicación dos anuncios de notificación, previsto na nova disposición adicional vixésimo primeira da Lei 30/1992, do 26 de novembro.

Na súa virtude, por proposta da vicepresidenta primeira do Goberno e ministra da Presidencia, coa aprobación previa do ministro de Facenda e Administracións Públicas, de acordo co Consello de Estado e logo de deliberación do Consello de Ministros na súa reunión do día 22 de maio de 2015,

DISPOÑO:

**Artigo único.** *Modificación do Real decreto 181/2008, do 8 de febreiro, de ordenación do diario oficial «Boletín Oficial del Estado».*

O Real decreto 181/2008, do 8 de febreiro, de ordenación do diario oficial «Boletín Oficial del Estado», modifícase nos seguintes termos:

Un. Modifícase o artigo 4, que queda redactado nos seguintes termos:

«Artigo 4. *Características.*

1. O «Boletín Oficial del Estado» publicarase todos os días do ano, salvo os domingos.
2. Na cabeceira do exemplar diario, de cada disposición, acto ou anuncio e de cada unha das súas páxinas figurará:
  - a) O escudo de España.
  - b) A denominación «Boletín Oficial del Estado».
  - c) O número do exemplar diario, que será correlativo desde o comezo de cada ano.
  - d) A data de publicación.
  - e) O número de páxina.
3. En todas e cada unha das páxinas incluírase o enderezo da sede electrónica e o respectivo código de verificación que permitan contrastar a súa autenticidade, así como acceder ao seu contido, nos termos previstos no artigo 14.4.
4. A data de publicación das disposicións, actos e anuncios será a que figure na cabeceira e en cada unha das páxinas do exemplar diario en que se insiran.
5. En cada número do diario oficial incluírase o sumario do seu contido, con indicación do número correlativo que corresponde a cada disposición, acto ou anuncio publicado neste.
6. Todas as disposicións, actos e anuncios abrirán páxina.»

Dous. Modifícase o artigo 7, que queda redactado nos seguintes termos:

«Artigo 7. *Estrutura do diario oficial.*

1. O contido do «Boletín Oficial del Estado» distribúese nas seguintes seccións:

Sección I: Disposicións xerais.

Sección II: Autoridades e persoal.

Sección III: Outras disposicións.

Sección IV: Administración de xustiza.

Sección V: Anuncios.

Sección do Tribunal Constitucional.

2. Existirá, así mesmo, un suplemento de notificacións de carácter independente.»

Tres. Modifícanse o título do artigo 8 e o punto 5 e engádense dous novos puntos seis e sete co seguinte contido:

«Artigo 8. *Contido das seccións e suplementos.*»

«5. Na sección V inseriranse os anuncios, salvo os de notificación, agrupados da seguinte forma:

- a) Contratación do sector público.
- b) Outros anuncios oficiais.
- c) Anuncios particulares.

6. Na sección do Tribunal Constitucional publicaranse as sentenzas, as declaracións e os autos do Tribunal Constitucional, nos termos previstos na súa lei orgánica.

7. No suplemento de notificacións inseriranse os anuncios de notificación.»

Catro. Modifícase o punto un do artigo 11, que queda redactado nos seguintes termos:

«1. A Axencia Estatal Boletín Oficial del Estado garantirá, a través de redes abertas de telecomunicación, o acceso universal e gratuíto á edición electrónica do diario oficial do Estado, sen prexuízo do previsto no artigo 14.4.»

Cinco. Engádesse un novo punto catro ao artigo 13, co seguinte contido:

«4. Non obstante o disposto nos puntos anteriores, o suplemento de notificacións soamente contará con edición impresa cando concorran as circunstancias previstas na letra a) do punto primeiro.»

Seis. Engádesse un novo punto catro ao artigo 14, co seguinte contido:

«4. Non obstante o previsto nos puntos anteriores, o suplemento de notificacións permanecerá libremente accesible na sede electrónica da Axencia Estatal Boletín Oficial del Estado durante un prazo de tres meses desde a súa publicación. Transcorrido este, requirirase o código de verificación do correspondente anuncio de notificación, que terá carácter único e non previsible.

O dito código soamente poderá ser conservado, almacenado e tratado polo interesado ou polo seu representante, así como polos órganos e administracións que poidan precisalo para o exercicio das competencias que lles corresponden.

A Axencia Estatal Boletín Oficial del Estado adoptará medidas orientadas a evitar a indexación e recuperación automática dos códigos de verificación por suxeitos distintos aos recollidos no parágrafo anterior.

Sen prexuízo do previsto na disposición adicional primeira, unha vez transcorrido o prazo de tres meses establecido no parágrafo primeiro, a Axencia Estatal Boletín Oficial del Estado facilitará, logo de solicitude, a información contida no anuncio de notificación unicamente ao interesado ou ao seu representante, ao Ministerio Fiscal, ao Defensor do Pobo e aos xuíces e tribunais.»

Sete. Engádesse un segundo parágrafo ao artigo 15, co seguinte contido:

«Exceptúanse do previsto no parágrafo anterior os anuncios de notificación publicados no suplemento de notificacións, unha vez que transcorre o prazo de tres meses previsto no artigo 14.4.»

Oito. Engádesse un segundo parágrafo ao artigo 17, co seguinte contido:

«Non obstante, a busca, recuperación e impresión, a través do servizo de base de datos, dos anuncios de notificación publicados no suplemento de notificacións unicamente será posible durante o prazo de tres meses previsto no artigo 14.4.»

Nove. Engádesse un punto cinco ao artigo 19, co seguinte contido:

«5. A facultade de ordenar a inserción dos anuncios de notificación que se deban publicar no suplemento de notificacións correspóndelles aos órganos que en cada Administración ou entidade teñen atribuída a dita competencia ou estean autorizados para iso, así como aos órganos que emitisen os correspondentes anuncios.»

Dez. Modifícase o artigo 20, que queda redactado nos seguintes termos:

«Artigo 20. *Remisión de documentos.*

1. Os orixinais destinados á publicación nas seccións I, II, III e do Tribunal Constitucional remitiranse en formato electrónico, de acordo coas garantías, especificacións e modelos que para cada órgano e Administración se establezan mediante orde do ministro da Presidencia e que figuren nas sedes electrónicas do Ministerio da Presidencia e da Axencia Estatal Boletín Oficial del Estado.

2. Os orixinais destinados á publicación nas seccións IV e V remitiranse en formato electrónico, de acordo coas garantías, especificacións e modelos que se establezan mediante resolución da Axencia Estatal Boletín Oficial del Estado, publicada na súa sede electrónica.

3. Os orixinais destinados á publicación no suplemento de notificacións remitiranse mediante o sistema automatizado de remisión e xestión telemática previsto na disposición adicional vixésimo primeira da Lei 30/1992, do 26 de novembro, de réxime xurídico das administracións públicas e do procedemento administrativo común, de acordo coas garantías, especificacións básicas e modelos que se establecen na disposición adicional primeira deste real decreto.

4. En todo caso, o formato dos documentos, xa sexa de texto, gráfico, de imaxe ou calquera outro, deberá atender aos estándares que garantan o adecuado nivel de interoperabilidade e resultar idóneo para comunicar o contido do documento de que se trate.»

Once. Modifícase o artigo 21, que queda redactado nos seguintes termos:

«Artigo 21. *Autenticidade dos documentos.*

1. Respecto das disposicións e dos actos das seccións I, II, III e do Tribunal Constitucional, aplicaranse as seguintes normas:

a) A autenticidade dos orixinais remitidos para publicación deberá quedar garantida mediante a súa sinatura electrónica, de conformidade co que prevexa a orde do ministro da Presidencia a que se refire o artigo 20.

b) Para tal efecto, na Secretaría Xeral Técnica-Secretariado do Goberno existirán os rexistros de sinaturas electrónicas das autoridades e funcionarios facultados para asinaren a inserción dos orixinais destinados a publicación.

c) En cada departamento ministerial, o subsecretario determinará as tres autoridades ou funcionarios que, ademais dos titulares dos órganos superiores, estarán facultados para asinar a inserción dos orixinais destinados a publicación.

d) Os órganos constitucionais e as administracións públicas, de acordo coa súa normativa específica, determinarán as autoridades ou os funcionarios facultados para asinaren a inserción de orixinais, sen que o número de sinaturas recoñecidas poida exceder tres por cada órgano ou Administración.

e) A autoridade ou o funcionario que subscriba a inserción dos orixinais farase responsable da autenticidade do seu contido e da existencia da correspondente orde de inserción adoptada nos termos a que se refire o artigo 19.

2. Respecto dos anuncios e outros actos das seccións IV e V, a Axencia Estatal Boletín Oficial del Estado manterá un rexistro das entidades e organismos

asinantes dos anuncios que se publiquen no diario oficial. A autenticidade dos orixinais remitidos para publicación deberá quedar garantida mediante algún dos sistemas de sinatura electrónica previstos no artigo 13 da Lei 11/2007, do 22 de xuño, de acceso electrónico dos cidadáns aos servizos públicos.

3. Respecto dos anuncios de notificación que se publiquen no suplemento de notificacións, a autenticidade dos orixinais remitidos para publicación deberá quedar garantida nos termos previstos na disposición adicional primeira.»

Doce. Modifícase o artigo 22, que queda redactado nos seguintes termos:

«Artigo 22. *Competencia en relación coas diversas seccións.*

1. Os textos das disposicións, resolucións, sentenzas e actos incluídos nas seccións I, II, III e do Tribunal Constitucional serán remitidos, en todo caso, á Secretaría Xeral Técnica-Secretariado do Goberno, que procederá á súa clasificación e á comprobación da autenticidade das sinaturas, e velará especialmente pola orde de prioridade das insercións, pola salvagarda das competencias dos distintos órganos da Administración, pola obrigatoriedade da inserción e polo cumprimento dos requisitos formais necesarios en cada caso.

2. Os orixinais dos anuncios e outros actos que se deban inserir nas seccións IV e V serán remitidos directamente polos organismos, entidades e persoas interesadas á Axencia Estatal Boletín Oficial del Estado ou, se é o caso, a través da Plataforma de contratación do sector público.

3. Os anuncios de notificación serán remitidos á Axencia Estatal Boletín Oficial del Estado, nos termos previstos nas disposicións adicionais primeira e segunda.»

Trece. Modifícanse os puntos un e dous do artigo 24, que quedan redactados nos seguintes termos:

«1. As disposicións, resolucións, sentenzas e actos incluídos na sección I e na sección do Tribunal Constitucional publicaranse en forma íntegra.

2. As resolucións e actos comprendidos nas seccións II, III, IV e V, así como no suplemento de notificacións, publicaranse en extracto, sempre que sexa posible e se reúnan os requisitos exixidos en cada caso.»

Catorce. Modifícase o artigo 26, que queda redactado nos seguintes termos:

«Artigo 26. *Correccións.*

Se algunha disposición oficial aparece publicada con erros que alteren ou modifiquen o seu contido, será reproducida inmediatamente, na súa totalidade ou na parte necesaria, coas debidas correccións. Estas rectificacións realizaranse de acordo coas seguintes normas:

a) Corrixiranse de oficio as erratas padecidas na publicación, sempre que supoñan alteración ou modificación do sentido destas ou poidan suscitar dúbidas ao respecto. Para tal efecto, os correspondentes servizos da Secretaría Xeral Técnica-Secretariado do Goberno e da Axencia Estatal Boletín Oficial del Estado conservarán os orixinais de cada número, durante o prazo de tres meses, a partir da data da súa publicación.

b) Cando se trate de erros padecidos no texto recibido na Axencia Estatal Boletín Oficial del Estado para publicación, a súa rectificación realizarase do modo seguinte:

1.º Os meros erros ou omisións materiais, que non constitúan modificación ou alteración do sentido das disposicións ou se deduzan claramente do contexto, pero cuxa rectificación se xulgue conveniente para evitar posibles confusións, serán

salvados polos organismos respectivos, que instarán a reprodución do texto ou da parte necesaria deste, coas debidas correccións.

2.º Nos demais casos, e sempre que os erros ou omisións poidan supoñer unha real ou aparente modificación do contido ou do sentido da norma, salvaranse mediante disposición do mesmo rango.»

Quince. Modifícase o artigo 27, que queda redactado nos seguintes termos:

«Artigo 27. *Insercións gratuítas e de pago.*

1. A publicación das leis, disposicións, resolucións, sentenzas e actos de inserción obrigatoria que deban ser incluídos nas seccións I, II, III e do Tribunal Constitucional efectuarase sen contraprestación económica por parte dos órganos que a solicitan.

2. A publicación de anuncios nas seccións IV e V está suxeita ao pagamento da correspondente taxa, de acordo co disposto na Lei 25/1998, do 13 de xullo, de modificación do réxime legal das taxas estatais e de reordenación das prestacións patrimoniais de carácter público, e no Estatuto da Axencia Estatal Boletín Oficial del Estado, aprobado polo Real decreto 1495/2007, do 12 de novembro.

3. A publicación de anuncios de notificación no suplemento de notificacións efectuarase sen contraprestación económica por parte dos organismos que a solicitan.»

Dezaseis. Engádese unha disposición adicional primeira co seguinte contido:

«Disposición adicional primeira. *Sistema automatizado de remisión e xestión telemática dos anuncios de notificación.*

1. O sistema automatizado de remisión e xestión telemática da Axencia Estatal Boletín Oficial del Estado para a publicación dos anuncios de notificación, previsto na disposición adicional vixésimo primeira da Lei 30/1992, do 26 de novembro, deberase axustar ás seguintes garantías e especificacións básicas:

a) O acceso ao sistema requirirá identificación previa, que poderá realizarse mediante DNI electrónico ou certificado electrónico recoñecido. Así mesmo, poderase requirir estar dado de alta no repositorio horizontal de usuarios das administracións públicas. En caso de que o acceso se realice mediante servizos web, poderase utilizar o sistema de sinatura electrónica mediante selo electrónico do correspondente órgano, entidade ou Administración.

Cada Administración pública ou entidade determinará, de acordo coa súa normativa específica, as autoridades ou empregados públicos autorizados. No caso das entidades locais, a autorización inicial deberá ser comunicada telematicamente á Axencia Estatal Boletín Oficial del Estado por un funcionario de Administración local con habilitación de carácter nacional.

b) As administracións e entidades usuarias estarán obrigadas a manter permanentemente actualizado o catálogo de unidades administrativas implicadas no procedemento de publicación, mediante o directorio común a que se refire o artigo 9 do Real decreto 4/2010, do 8 de xaneiro, polo que se regula o Esquema nacional de interoperabilidade.

c) A remisión realizarase preferentemente mediante servizos web conforme o formato estruturado que se contén no anexo deste real decreto, o cal poderá ser actualizado mediante resolución da Axencia Estatal Boletín Oficial del Estado. Así mesmo, a remisión poderase realizar por medio dun portal web. En todo caso, deberanse incorporar os metadatos que permitan a xestión automatizada dos documentos por parte da Axencia Estatal Boletín Oficial del Estado.

d) O sistema de remisión garantirá a autenticidade, a integridade e o non repudio dos envíos, así como a súa confidencialidade.

e) O sistema permitirá consultar, mediante servizos web ou outros mecanismos, o estado de tramitación dos anuncios de notificación enviados, así como acceder á súa publicación sen limitación temporal ningunha, nos termos que cada Administración pública ou entidade autorízase, conforme o previsto na letra a) deste punto.

f) Os anuncios de notificación serán publicados dentro dos tres días hábiles seguintes ao da súa recepción, salvo os supostos de imposibilidade técnica, solicitude dun prazo de publicación superior polo órgano remitente ou que o anuncio de notificación requira de emenda. Para estes efectos, os anuncios de notificación recibidos despois das 12:00 horas do venres, os sábados, días festivos e 24 e 31 de decembro consideraranse recibidos ás 8:00 horas do primeiro día hábil seguinte.

2. Correspóndelle á Axencia Estatal Boletín Oficial del Estado determinar os requisitos e as especificacións técnicas do sistema, que, en todo caso, deberá cumprir co establecido na Lei 11/2007, do 22 de xuño, e na súa normativa de desenvolvemento.»

Dezasete. Engádesse unha disposición adicional segunda co seguinte contido:

«Disposición adicional segunda. *Anuncios de notificación en procedementos sancionadores en materia de tráfico.*

Sen prexuízo do previsto na disposición adicional primeira, os anuncios de notificación a que dea lugar o procedemento sancionador como consecuencia da comisión de infraccións á normativa sobre tráfico, circulación de vehículos de motor e seguridade viaria, poderán remitirse á Axencia Estatal Boletín Oficial del Estado a través da Dirección Xeral de Tráfico.»

Dezaioito. Engádesse unha disposición adicional terceira co seguinte contido:

«Disposición adicional terceira. *Remisión telemática de documentos que se vaian publicar nas seccións I, II, III e do Tribunal Constitucional.*

As garantías, as especificacións e os modelos a que se refire o artigo 20.1 son os previstos nas ordes PRE/1563/2006, do 19 de maio, pola que se regula o procedemento para a remisión telemática das disposicións e actos administrativos dos departamentos ministeriais que deban publicarse no “Boletín Oficial del Estado”, e PRE/987/2008, do 8 de abril, pola que se amplía o seu ámbito de aplicación, para os departamentos ministeriais, órganos e entidades previstos nos seus respectivos ámbitos de aplicación.»

Dezanove. Modifícase a disposición transitoria única, que queda redactada nos seguintes termos:

«Disposición transitoria única. *Remisión de documentos para publicar nas seccións I, II, III e do Tribunal Constitucional.*

Mentres non se aproben as garantías, especificacións e modelos para os órganos e administracións non considerados no ámbito de aplicación das ordes PRE/1563/2006, do 19 de maio, e PRE/987/2008, do 8 de abril, continuarán remitiéndose os orixinais para publicar en formato papel, con sinatura manuscrita de quen estea facultado para o efecto, xunto cos ficheiros electrónicos a partir dos cales se xeraron os orixinais remitidos e axustándose en todas as súas características aos modelos oficiais que figuran nas sedes electrónicas do Ministerio da Presidencia e da Axencia Estatal Boletín Oficial del Estado.

Para estes efectos, a Secretaría Xeral Técnica-Secretariado do Goberno manterá un rexistro de sinaturas manuscritas das autoridades e funcionarios facultados para asinar a inserción dos orixinais destinados a publicación.»

Vinte. Engádese un anexo, co seguinte contido:

«ANEXO

**Formato XML para o envío de anuncios de notificación**

O contido do envío realizarase en formato XML coa información estruturada da seguinte forma:

```
<envio>
  <version>
  <anuncios>
    <remitente>
      <nodoRemitente +>
    </remitente>
    <fechaPub ?>
    <infPub>
      <urlSW ?>
      <email>
    </infPub>
    <anuncio +>
      <emisor>
        <nodoEmisor +>
      </emisor>
      <metadatos>
        <id ?>
        <formPub>
        <datosPersonales>
        <lgt ?>
        <procedimiento ?>
        <materias ?>
          <materia +>
        </materias>
        <notificados ?>
          <notificado +>
        </notificados>
      </metadatos>
      <contenido>
        <texto>
          <p +>
          <table *>
        </texto>
        <pieFirma>
          <lugar>
          <fecha>
          <firmante>
        </pieFirma>
      </contenido>
      <contenidoCoof ?>
        <texto>
          <p +>
          <table *>
        </texto>
      </contenidoCoof>
    </anuncio>
  </anuncios>
</envio>
```

+ significa una o más ocurrencias

? significa cero o una ocurrencia

\* significa cero o más ocurrencias



Na descrición dos contidos do ficheiro XML faise referencia a unha serie de tipos de datos polo seu acrónimo. A continuación enuméranse estes tipos de datos.

NIF: número de identificación fiscal. Deberá proporcionarse sempre xustificado con «0» á esquerda, sen puntos, nin espazos, nin guións nin ningún outro carácter distinto dun número ou unha letra.

NAF: número de afiliación á Seguridade Social.

CCC: código de conta de cotización.

EXP: número de expediente.

DIR3: directorio común de unidades orgánicas e oficinas. A descrición deste servizo encóntrase no PAE (portal de Administración electrónica) na seguinte URL: <http://administracionelectronica.gob.es/ctt/dir3>.

A Axencia Estatal Boletín Oficial del Estado poñerá, así mesmo, na súa sede electrónica o ficheiro XSD (XML Schema Definition) para a validación previa ao envío dos ficheiros XML co contido dos anuncios, a documentación do servizo web para o envío dos ditos ficheiros e exemplos de ficheiros XML con distintos tipos de notificacións.

Esquema	Nome	Descrición	Valores	Obl.	Tipo
	envío	Nodo raíz do envío		[1..1]	
1	version	Código que indica a versión utilizada. Existirá compatibilidade de versións.	[1.0.0]	[1..1]	string
2	anuncios			[1..1]	complexType
2.1	remiteinte	Organismo ou unidade remiteinte dos anuncios. Contén a árbore da estrutura do directorio DIR3 do organismo ou unidade, incluíndo un elemento nodoRemiteinte para cada nivel en DIR3.		[1..1]	complexType
2.1.1	nodoRemiteinte	Organismo ou unidade remiteinte dos anuncios. Contén dous atributos: idDir3: código DIR3 do organismo. Tipo dato: string. nivel: nivel dentro da árbore conforme a estrutura DIR3. Tipo dato: int. Por exemplo, no caso da Axencia Estatal Boletín Oficial del Estado sería:  <nodoRemiteinte nivel=»1» idDir3=»EA9999999»>ADMINISTRACIÓN GENERAL DEL ESTADO</nodoRemiteinte> <nodoRemiteinte nivel=»2» idDir3=»E00004101»>MINISTERIO DE LA PRESIDENCIA</nodoRemiteinte> <nodoRemiteinte nivel=»3» idDir3=»E00135501»>SUBSECRETARIA DE LA PRESIDENCIA</nodoRemiteinte> <nodoRemiteinte nivel=»4» idDir3=»E04761001»>AXENCIA ESTATAL BOLETIN OFICIAL DEL ESTADO</nodoRemiteinte>		[1..*]	string
2.2	fechaPub	Data de publicación solicitada para os anuncios. Se a data se corresponde cun domingo, a publicación realizarase o luns seguinte. Se non se inclúe ou é incorrecta, publicarase na data máis temperá posible conforme o procedemento de peche e publicación que rexe a publicación do BOE. A data especificarase en formato ISO 8601:2004 (aaaa-mm-dd). Por exemplo:  <fechaPub>2015-11-01</fechaPub>  Nota: o BOE publícase todos os días do ano coa única excepción dos domingos.		[0..1]	date
2.3	infPub	Conterá o enderezo do servizo web do órgano emisor ao que se informará da data de publicación dos anuncios e un enderezo de correo electrónico. A forma de comunicar a dita información tratarase en documento á parte.		[1..1]	complexType
2.3.1	urlSW	Enderezo do servizo web ao que se informará da data de publicación dos anuncios.		[0..1]	anyUri
2.3.2	email	Enderezo de correo electrónico para efectos de comunicar as incidencias que se xeren no proceso da información.		[1..1]	string
2.4	anuncio	Este elemento pode repetirse xa que se admiten envíos con máis dun anuncio. Cada elemento representará un anuncio distinto.		[1..*]	complexType
2.4.1	emisor	Organismo ou unidade autor do anuncio. Contén a árbore da estrutura do directorio DIR3 do organismo ou unidade, incluíndo un elemento nodoEmisor para cada nivel.  Nota: o organismo ou unidade autor do anuncio non ten que coincidir necesariamente co remiteinte		[1..1]	complexType
2.4.1.1	nodoEmisor	Organismo ou unidade autor do anuncio. Contén dous atributos: idDir3: Código DIR3 do organismo. Tipo dato: string. nivel: nivel dentro da árbore conforme a estrutura DIR3. Tipo dato: int. Por exemplo, no caso da Axencia Estatal Boletín Oficial del Estado sería:  <nodoEmisor nivel=»1» idDir3=»EA9999999»>ADMINISTRACIÓN GENERAL DEL ESTADO</nodoEmisor> <nodoEmisor nivel=»2» idDir3=»E00004101»>MINISTERIO DE LA PRESIDENCIA</nodoEmisor> <nodoEmisor nivel=»3» idDir3=»E00135501»>SUBSECRETARIA DE LA PRESIDENCIA</nodoEmisor> <nodoEmisor nivel=»4» idDir3=»E04761001»>AGENCIA ESTATAL BOLETIN OFICIAL DEL ESTADO</nodoEmisor>		[1..*]	string
2.4.2	metadatos	Información que non se publicará pero indispensable para o tratamento dos anuncios e a forma de publicalos.		[1..1]	complexType

Esquema	Nome	Descrición	Valores	Obl.	Tipo
2.4.2.1	id	Identificador único do anuncio nos sistemas de información do órgano emisor. Aínda que non é obrigatorio, é indispensable para que se poida informar o emisor da data de publicación do anuncio. É necesario se se incluíu o elemento infPub/urlSW.  Nota: se non se proporcionou o dato e o elemento infPub/urlSW foi proporcionado devolverase un aviso tras a recepción do XML pero non se deterá a publicación. Non será posible utilizar o servizo de control de publicación.		[0..1]	string
2.4.2.2	formPub	Forma de publicación. É un dato obrigatorio imprescindible para o tratamento posterior e a forma de mostrar o anuncio. Pode tomar dous valores:  E: publicación en extracto (cando o anuncio non contén o contido do acto administrativo que se vaia notificar, senón unicamente a identificación do interesado e do procedemento) I: publicación íntegra (cando no texto do anuncio se recolle completo o contido do acto administrativo obxecto de notificación)	[E],[I]	[1..1]	string
2.4.2.3	datosPersonales	Informa sobre se o anuncio contén datos de carácter persoal. Pode tomar os seguintes valores:  N: non inclúe ningún dato de carácter persoal. S: inclúe datos de carácter persoal.	[N],[S]	[1..1]	string
2.4.2.4	materias	Tipo de anuncio. Por exemplo: «catastro», «impostos», «taxas», «subvencións» co obxectivo de facilitar a recuperación posterior en base de datos. Conterá tantos elementos «materia» como sexan precisos para facilitar a busca do anuncio. Clasificación por determinar.		[0..1]	complexType
2.4.2.4.1	materia	Materia. Inclúe o atributo idMat (tipo de datos string) co identificador da materia.  Exemplo:  <code>&lt;materia idMat=&gt;12&gt;&gt;tasas&lt;/materia&gt;</code> <code>&lt;materia idMat=&gt;23&gt;&gt;catastro&lt;/materia&gt;</code>		[1..*]	string
2.4.2.5	lgt	O valor será «S» se o anuncio se debe publicar conforme o disposto no artigo 112 da Lei 58/2003 (Lei xeral tributaria).	[S]	[0..1]	string
2.4.2.6	procedimiento	Identificación do procedemento. É un texto libre que permitirá construír de maneira automatizada o título do anuncio e diferenciar entre os emitidos en igual data polo mesmo emisor. Así mesmo, unha vez publicado o anuncio, facilitará a busca por texto libre. Deberá incluír un atributo «plural» para indicar se se debe empregar o plural na palabra procedemento no momento de xerar o título do anuncio; para iso tomará o valor «S» para indicar o plural e «N» o singular. Admitiranse un máximo de 400 caracteres. Non debe conter datos de carácter persoal. Exemplos (en primeiro lugar o bloque XML e a continuación o título do anuncio a que daría lugar):  Exemplo 1:  <code>&lt;procedimiento plural=&gt;N&gt;&gt;sancionador&lt;/procedimiento&gt;</code> Anuncio de notificación do 23 de xullo de 2014, en procedemento sancionador  Exemplo 2: emprego do plural. Neste exemplo inclúese, ademais, un órgano que tramita o procedemento. Este órgano debe ser un órgano distinto ao emisor):  <code>&lt;procedimiento plural=&gt;S&gt;&gt; tramitados por la Subdirección de.../departamento/Servicio de...&lt;/procedimiento&gt;</code> Anuncio de notificación do 23 de xullo de 2014, en procedementos tramitados pola Subdirección de.../departamento/Servizo de...  Exemplo 3:  <code>&lt;procedimiento plural=&gt;N&gt;&gt; n° de expediente xxx&lt;/procedimiento&gt;</code> Anuncio de notificación do 23 de xullo de 2014, en procedemento n° de expediente xxx		[0..1]	string

Esquema	Nome	Descrición	Valores	Obl.	Tipo
		<p>Exemplo 4:</p> <p>&lt;procedimiento plural=»N»&gt; de concesión de las subvenciones previstas en la Orden xxx, por la que se aprueban las correspondientes bases reguladoras&lt;/procedimiento&gt;</p> <p>Anuncio de notificación do 23 de xullo de 2014, en procedemento de concesión das subvencións previstas na Orde xxx, pola que se aproban as correspondentes bases reguladoras.</p> <p>Exemplo 5:</p> <p>&lt;procedimiento plural=»N»&gt; relativo a baja en el padrón municipal&lt;/procedimiento&gt;</p> <p>Anuncio de notificación do 23 de xullo de 2014, en procedemento relativo á baixa no padrón municipal</p> <p>Exemplo 6 (correccións de erros):</p> <p>&lt;procedimiento plural=»N»&gt; relativo a liquidaciones del Impuesto sobre Bienes Inmuebles. Corrección de errores&lt;/procedimiento&gt;</p> <p>Anuncio de notificación do 23 de xullo de 2014, en procedemento relativo a liquidacións do imposto sobre bens inmobles. Corrección de erros</p> <p>Exemplo 7 (correccións de erros):</p> <p>&lt;procedimiento plural=»N»&gt; relativo a liquidaciones del Impuesto sobre Bienes Inmuebles. Corrección de errores del anuncio de notificación de 19 de julio&lt;/procedimiento&gt;</p> <p>Anuncio de notificación do 23 de xullo de 2014, en procedemento relativo a liquidacións do imposto sobre bens inmobles. Corrección de erros do anuncio de notificación do 19 de xullo.</p>			
2.4.2.7	notificados	Aínda que o elemento é opcional, deberá incluírse aquí a lista cos datos dos notificados se non é posible marcalos no elemento contido/texto que se describe no punto seguinte. Conterá tantos elementos «notificado» como notificados haxa.		[0..1]	complexType
2.4.2.7.1	notificado	Cada elemento notificado incluírá obrigatoriamente o atributo id (tipo de dato string) que conterá a súa identificación (normalmente o NIF) e o atributo tipId (tipo de dato string) para o tipo de identificador (NIF, NAF, CCC, EXP).		[1..*]	string
		Exemplo: <notificado id=»99999999R» tipId=»NIF»>Juan Español Español</notificado>			
2.4.2.8	contenido	Contido do anuncio.			complexType
2.4.2.8.1	texto	Texto do anuncio. Incluír de forma obrigatoria un atributo content-type (tipo de dato string) co valor «application/xml»		[1..1]	complexType
		O nodo texto estará formado por dous tipos de nodos que se poden repetir tantas veces como sexa necesario: parágrafos (p) e táboas (table). O anuncio debe conter ao menos un elemento parágrafo.			
2.4.2.8.1.1	p	<p>Parágrafo de texto. Pode admitir un atributo class (tipo de dato string) para presentar a información. Este atributo pode tomar os seguintes valores:</p> <p>parrafo: parágrafo por defecto.</p> <p>titulo: parágrafo centrado cun tipo de letra maior que o do parágrafo por defecto.</p> <p>pieFirma: o elemento non terá contido ningún. Representa a posición onde se incorporará o texto do elemento pieFirma. De non incluírse, o pé de sinatura irá ao final do texto.</p> <p>page-break: o elemento non terá contido ningún. Forza un salto de páxina a partir deste elemento.</p> <p>Se non se indica o atributo, aplicaráselle o atributo do parágrafo por defecto.</p> <p>Exemplos:</p> <pre>&lt;p class=»parrafo»&gt;Este es un párrafo normal&lt;/p&gt; &lt;p&gt;Este es otro párrafo normal&lt;/p&gt; &lt;p class=»pieFirma» /&gt; &lt;p class=»page-break» /&gt; &lt;p class=»titulo»&gt;ANEXO&lt;/p&gt;</pre>		[1..*]	string

Esquema	Nome	Descrición	Valores	Obl.	Tipo
2.4.2.8.1.1.1	span	Dentro dun parágrafo poderanse incluír elementos span co atributo class (tipo de dato string) co valor index:NIF, index:NAF, index:CCC, index:EXP ou index:NOMBRE, segundo sexa o tipo do contido un NIF, NAF, CCC, EXP ou un nome, para marcar un contido que se vaia indexar se este non se incluíu no punto metadatos/notificados. Por exemplo:  <p>Se notifica a <span class=»index:NOMBRE»>Juan Español Español</span> con NIF <span class=»index:NIF»>99999999R</span> lo seguinte....</p>			string
2.4.2.8.1.2	table	Táboa con información		[0..*]	complexType
2.4.2.8.1.2.1	caption	Título da táboa		[0..1]	string
2.4.2.8.1.2.2	colgroup	Contén información das columnas da táboa. Debe conter tantos elementos col como columnas teña a táboa.		[0..1]	complexType
2.4.2.8.1.2.2.1	col	Nel poderá especificarse se o contido da columna deberá ser indexado e incorporado ao buscador engadíndolle o atributo class (tipo de dato string) co valor index:NIF, index:NAF, index:CCC, index:EXP ou index:NOMBRE, segundo sexa o tipo do contido un NIF, NAF, CCC ou un nome.  Exemplo:  <colgroup> <col class=»index:NIF»/> <col class=»index:NOMBRE»/> <col class=»index:NIF»/> <col class=»index:NOMBRE»/> <col /> <col /> <col /> </colgroup>  Neste exemplo as columnas 1 e 3 da táboa inclúen un NIF e as 2 e 4 un NOMBRE que deben incorporarse ao buscador. As columnas 5, 6 e 7 non se incorporarán ao buscador.		[1..*]	complexType
2.4.2.8.1.2.3	thead	Cabeceira da táboa.		[0..1]	complexType
2.4.2.8.1.2.3.1	tr	Fila da cabeceira		[1..*]	complexType
2.4.2.8.1.2.3.1.1	th	Cela da cabeceira. Admite os atributos rowspan (tipo de dato int) e colspan (tipo de dato int) para agrupamento de celas.		[1..*]	string
2.4.2.8.1.2.4	tbody	Corpo da táboa.		[1..1]	complexType
2.4.2.8.1.2.4.1	tr	Fila da táboa		[1..*]	complexType
2.4.2.8.1.2.4.1.1	td	Cela da táboa. Admite os atributos rowspan (tipo de dato int) e colspan (tipo de dato int) para agrupamento de celas.		[1..*]	string
2.4.2.8.1.2.5	tfoot	Pé da táboa. Normalmente non se usará.		[0..1]	complexType
2.4.2.8.1.2.5.1	tr	Fila do pé		[1..*]	complexType
2.4.2.8.1.2.5.1.1	th	Cela do pé. Admite os atributos rowspan (tipo de dato int) e colspan (tipo de dato int) para agrupamento de celas.		[1..*]	string
2.4.2.8.2	pieFirma	Pé de sinatura do anuncio  Exemplo 1:  <pieFirma> <lugar>Madrid</lugar> <fecha>2014-08-19</fecha> <firmante>El Jefe de Servicio de Pruebas, Juan Español Español</firmante> </pieFirma>  Exemplo 2:  <pieFirma> <lugar>Madrid</lugar> <fecha>2014-08-19</fecha> <firmante>El Subdirector General del Servicio de Pruebas, P.D. (Orden PRE/127/2013, de 3 de mayo), el Jefe del Servicio de Pruebas, Juan Español Español</firmante> </pieFirma>		[1..1]	complexType
2.4.2.8.2.1	lugar	Localidade en que ten lugar a sinatura		[1..1]	string
2.4.2.8.2.2	fecha	Data da sinatura en formato ISO 8601:2004 (aaaa-mm-dd).		[1..1]	string

Esquema	Nome	Descrición	Valores	Obl.	Tipo
2.4.2.8.2.3	firmante	Cargo e nome e dous apelidos do asinante. Nos casos de actuación administrativa automatizada pode consistir unicamente na identificación do organismo ou unidade asinante. En casos de alteración da competencia deberán incluírse as referencias correspondentes.  Este elemento debe estar informado.		[1..1]	string
2.4.2.9	contenidoCoof	Contido do anuncio en lingua cooficial.		[0..1]	complexType
2.4.2.9.1	Texto	Texto do anuncio. Inclúir de forma obrigatoria un atributo content-type (tipo de dato string) co valor «application/xml»  O nodo texto estará formado por dous tipos de nodos que se poden repetir tantas veces como sexa necesario: parágrafos (p) e táboas (table). O anuncio debe conter ao menos un elemento parágrafo.  Se o texto cooficial leva sinatura, debe ser incluída dentro deste elemento.		[1..1]	complexType
2.4.2.9.1.1	P	Parágrafo de texto. Pode admitir un atributo class (tipo de dato string) para presentar a información. Este atributo pode tomar os seguintes valores:  parrafo: parágrafo por defecto. titulo: parágrafo centrado cun tipo de letra maior que o do parágrafo por defecto. page-break: o elemento non terá contido ningún. Forza un salto de páxina a partir deste elemento.  Se non se indica o atributo, aplicaráselle o atributo do parágrafo por defecto.  Exemplos:  <p class=»parrafo»>Este es un párrafo normal</p> <p>Este es otro párrafo normal</p> <p class=»page-break» /> <p class=»titulo»>ANEXO</p>		[1..*]	string
2.4.2.9.1.1.1	span	Dentro dun parágrafo poderanse incluír elementos spam co atributo class (tipo de dato string) co valor index:NIF, index:NAF, index:CCC, index:EXP ou index:NOMBRE, segundo sexa o tipo do contido un NIF, NAF, CCC, EXP ou un nome, para marcar un contido que se vaia indexar se este non se incluíu no punto metadatos/notificados. Por exemplo:  <p>Se notifica a <span class=»index:NOMBRE»>Juan Español Español</span> con NIF <span class=»index:NIF»>99999999R</span> lo siguiente...</p>			string
2.4.2.9.1.2	table	Táboa con información		[0..*]	complexType
2.4.2.9.1.2.1	caption	Título da táboa		[0..1]	string
2.4.2.9.1.2.2	colgroup	Contén información das columnas da táboa. Debe conter tantos elementos col como columnas teña a táboa.		[0..1]	complexType
2.4.2.9.1.2.2.1	col	Nel poderás especificarse se o contido da columna deberá ser indexado e incorporado ao buscador engadíndolle o atributo class (tipo de dato string) co valor index:NIF, index:NAF, index:CCC, index:EXP ou index:NOMBRE, segundo sexa o tipo do contido un NIF, NAF, CCC ou un nome.  Exemplo:  <colgroup> <col class=»index:NIF»/> <col class=»index:NOMBRE»/> <col class=»index:NIF»/> <col class=»index:NOMBRE»/> <col /> <col /> <col /> </colgroup>  Neste exemplo as columnas 1 e 3 da táboa inclúen un NIF e as 2 e 4 un NOMBRE que se deben incorporar ao buscador. As columnas 5, 6 e 7 non se incorporarán ao buscador.		[1..*]	complexType
2.4.2.9.1.2.3	thead	Cabeceira da táboa.		[0..1]	complexType
2.4.2.9.1.2.3.1	tr	Fila da cabeceira		[1..*]	complexType

Esquema	Nome	Descrición	Valores	Obl.	Tipo
2.4.2.9.1.2.3.1.1	th	Cela da cabeceira. Admite os atributos rowspan (tipo de dato int) e colspan (tipo de dato int) para agrupamento de celas.		[1..*]	string
2.4.2.9.1.2.4	tbody	Corpo da táboa.		[1..1]	complexType
2.4.2.9.1.2.4.1	tr	Fila da táboa		[1..*]	complexType
2.4.2.9.1.2.4.1.1	td	Cela da táboa. Admite os atributos rowspan (tipo de dato int) e colspan (tipo de dato int) para agrupamento de celas.		[1..*]	string
2.4.2.9.1.2.5	tfoot	Pé da táboa. Normalmente non se usará.		[0..1]	complexType
2.4.2.9.1.2.5.1	tr	Fila do pé.		[1..*]	complexType
2.4.2.9.1.2.5.1.1	th	Cela do pé. Admite os atributos rowspan (tipo de dato int) e colspan (tipo de dato int) para agrupamento de celas.		[1..*]	string»

**Disposición adicional primeira.** *Referencias á Dirección Xeral do Secretariado do Goberno.*

As mencións efectuadas á Dirección Xeral do Secretariado do Goberno no Real decreto 181/2008, do 8 de febreiro, entenderanse efectuadas á Secretaría Xeral Técnica-Secretariado do Goberno, conforme o disposto no Real decreto 199/2012, do 23 de xaneiro, polo que se desenvolve a estrutura orgánica básica do Ministerio da Presidencia e se modifica o Real decreto 1887/2011, do 30 de decembro, polo que se establece a estrutura orgánica básica dos departamentos ministeriais.

**Disposición adicional segunda.** *Implantación do sistema de remisión e xestión telemática dos anuncios de notificación regulado na disposición adicional primeira do Real decreto 181/2008, do 8 de febreiro.*

O sistema automatizado de remisión e xestión telemática dos anuncios de notificación regulado na disposición adicional primeira do Real decreto 181/2008, do 8 de febreiro, estará operativo desde o 25 de maio de 2015 para o envío dos anuncios de notificación que deban ser publicados no suplemento de notificacións a partir do 1 de xuño de 2015.

**Disposición transitoria única.** *Remisión a través da Dirección Xeral de Tráfico.*

Para efectos do previsto na disposición adicional segunda do Real decreto 181/2008, do 8 de febreiro, mentres non se aprobe mediante orde do ministro do Interior outro sistema, os anuncios de notificación a que dea lugar o procedemento sancionador como consecuencia da comisión de infraccións á normativa sobre tráfico, circulación de vehículos de motor e seguridade viaria, remitiranse, se é o caso, á Dirección Xeral de Tráfico a través do sistema previsto nos puntos 1 e 5 do artigo 8 da Orde INT/3022/2010, do 23 de novembro, pola que se regula o taboleiro de edictos de sancións de tráfico.

**Disposición derogatoria única.** *Derrogación normativa.*

Quedan derogadas cantas disposicións de igual ou inferior rango se opoñan ao disposto neste real decreto.

**Disposición derradeira primeira.** *Título competencial.*

Os puntos dezaseis, dezasete e vinte do artigo único, así como a disposición adicional segunda e a disposición transitoria única, dítanse ao abeiro do artigo 149.1.18 da Constitución, que lle atribúe ao Estado competencia exclusiva en materia de procedemento administrativo común.

**Disposición derradeira segunda.** *Habilitación para o desenvolvemento regulamentario.*

Autorízase o ministro da Presidencia para que dite cantas disposicións sexan necesarias para o desenvolvemento e a execución do previsto neste real decreto.

**Disposición derradeira terceira.** *Entrada en vigor.*

O presente real decreto entrará en vigor o 1 de xuño de 2015. Non obstante, os puntos dezaseis, dezasete e vinte do artigo único, así como as disposicións adicionais primeira e segunda e a disposición transitoria única, entrarán en vigor o día seguinte ao da súa publicación no «Boletín Oficial del Estado».

Dado en Madrid o 22 de maio de 2015.

FELIPE R.

A vicepresidenta do Goberno e ministra da Presidencia,  
SORAYA SÁENZ DE SANTAMARÍA ANTÓN